

2
587
9

戰國策正解

魏上

七上

42-587

戰國策正解卷七上

魏上

桓子 凡一章



橫田惟

新刊六

智伯索地於魏桓子。魏桓子不許。任章曰：何故弗許？

桓子曰：無故索地，故弗許。任章曰：無故索地，鄰國必

恐。重欲無厭，天下必懼。索所白反，下同。于音與，下同。

厭音厭。○關君長曰：得地於鄰國，而君子之地。智伯

必憍，憍而輕敵，鄰國懼而相親，以相親之兵，待輕敵

之國，智氏之命不長矣。關君長曰：命受之天，而不能

戰國策正解 卷七上 後影同

周書曰。將欲敗之。必姑輔之。將欲取之。必姑與之。君

不如與之以憍智伯。敗必邁及。○王應麟曰。周書云

與老子之言出于此。君何釋以天下圖智氏。而獨以吾國為智

氏質乎。質如韓于秦必為天下兵質矣。質的也。魏

君曰善。乃與之萬家之邑一。智伯大說。因索蔡臯梁

於趙。趙弗與。因圍晉陽。韓魏反於外。趙氏應之於內。

智氏遂亾。說音悅。

考異坊本橋作驕。質作資。梁作狼。亡作乞。

文侯凡五章

韓趙相難。韓索兵於魏。曰。願得借師以伐趙。魏文侯

曰。寡人與趙兄弟。不敢從。趙又索兵以攻韓。文侯曰。

寡人與韓兄弟。不敢從。二國不得兵。怒而反。已乃知

文侯以講於已也。皆朝魏。難乃且反。索所白及朝直

言趙聞其告韓之言。二國各自知魏和親於已。而朝之也。

考異坊本侯以之。以作乞。

樂羊為魏將而攻中山。其子在中山。中山之君烹其

子而遺之羹。樂羊坐於幕下而啜之。盡一杯。文侯謂

覩師贊曰。樂羊以我之故。食其子之肉。贊對曰。其子

之肉尚食之。其誰不食。樂羊既罷中山。文侯賞其功。

而疑其心。將子匪反。遺唯。季反。盡津忍反。

考異

坊本師作斯一本無之內尚三字其作且

西門豹為鄴令而辭乎魏文侯文侯曰子往矣必就

子之功而成子之名就亦成也西門豹曰敢問就功成名

亦有術乎文侯曰有之夫鄉邑老者而先受坐之士

子入而問其賢良之士而師事之求其好掩入之美

而揚入之醜者而參驗之夫音扶下夫物同坐才卧反好呼報反而先之而

讀為如若也先受坐之士謂才德為衆所尊重者入猶就也言就其室而問也夫物多相類

而非也幽莠之幼也似禾驪牛之黃也似虎白骨疑

象武夫類玉此皆似之而非者也莠草似苗者幽言其色盛也禾粟苗

也驪牛之黃謂黑牛而黃雜毛也武夫石似玉者是言所以不可不參驗也

考異

坊本夫鄉之夫作矣曾劉本醜下無者字坊本驪作鯨

文侯與虞人期獵是日飲酒樂天雨文侯將出左右

曰今日飲酒樂天又雨公將焉之文侯曰吾與虞人

期獵雖樂豈可不一會期哉乃往身自罷之魏於是

乎始強樂音洛焉於虞反○虞人守苑囿之吏可不一會期哉言不可不一往會其所期也

考異

曾本不作無

魏文侯與田子方飲酒而稱樂謂張樂也文侯曰鍾聲不

比乎左高比音毗○不比謂不和也樂有左右部左高謂左方之聲高也田子方笑

文侯曰奚笑子方曰臣聞之君明則樂官不明則樂

音今君審於聲臣恐君之聾於官也文侯曰善敬聞

命。樂音洛。○樂官謂以治官為樂也。聾於官謂不能審諦於官也。

武侯凡一章

魏武侯與諸大夫浮於西河。稱曰：河山之險，豈不亦

信固哉！王鐘侍坐曰：此晉國之所以強也。若善脩之，

則霸王之業具矣。吳起對曰：吾君之言，危國之道也。

而子又附之，是重危也。坐才卧反，王于况反，下同。重直用反。○附，附益之也。武

侯忿然曰：子之言有說乎？吳起對曰：河山之險，信不

足保也。霸王之業，不從此也。昔者三苗之居，左彭蠡

之波，右洞庭之水，汶山在其南，而衡山在其北。恃此

險也，為政不善，而禹放逐之。汶，岷通。○彭蠡，洞庭，皆湖名也。夫夏桀

之國，左天門之陰，而右天谿之陽。盧畢在其北，伊洛

出其南，有此險也。然為政不善，而湯伐之。夫音扶，夏戶雅反。○

天門，即伊闕也。天谿，河濟也。盧畢，地名。伊洛，二水名。殷紂之國，左孟門，而右漳

釜。前帶河，後被山，有此險也。然為政不善，而武王伐

之。釜，釜通用，被皮寄反。○孟門，山名。漳釜，二水名。且君親從臣而勝降城，城

非不高也，人民非不衆也。然而可得并者，政惡故也。

從是觀之，地形險阻，奚足以霸王矣。從，臣之從才用反。降，戶江反。并

音併。○言在德不在險也。武侯曰：善。吾乃今日聞聖人之言也。西

河之政，專委之子矣。史記曰：封吳起為西河守。

考異

坊本無豈字，一本鍾作錯，高本侍坐作侍王。無重字，一本無信不之信字，高本保也。下有

是字坊本同今從一本坊本左彭右洞間並有字高本唯右洞間有今從一本高本汶作文坊本夏上無夫字高本盧畢作盧畢曾本作盧畢一本畢作澤坊本高下無也字

惠王 凡九章

魏公叔痤為魏將而與韓趙戰澮北禽樂祚魏王說

郊迎以賞田百萬祿之 將子匠反說音悅○鮑彪曰樂祚趙將賞田閑田以待賞

有功者公叔痤反走再拜辭曰夫使士卒不崩直而不

倚揀撓而不避者此吳起餘教也臣不能為也 夫音扶○

直而不倚謂直立而不傾側揀擊撓亂也言下擊亂敵兵而不避其強也前脈壘形之險

阻決利害之備使三軍之士不迷惑者巴寧嬰襄之

力也 前猶豫也脈猶察也縣賞罰於前使民昭然信之於後者

王之明法也 縣音玄賞罰信也見敵之可擊也鼓之不敢

怠倦者臣也王特為臣之右手不倦賞臣可也若以

臣之有功臣何力之有乎 為于偽反下同○王曰善右手執持故云爾

於是索吳起之後賜之田二十萬巴寧嬰襄田各十

萬 索所反王曰公叔豈非長者哉既為寡人勝強敵矣

又不遺賢者之後不捨能士之迹公叔何可無益乎

故又與田四十萬加之百萬之上使百四十萬 長丁文反

迹也故老子曰聖人無積盡以為久已愈有既以

與人己愈多公叔當之矣 盡津忍反○既亦盡也是記者之詞

考異 坊本揀作揀一本撓下無而字高本避作辟坊本壘作地一本已作己高本無擊字坊本

後... 坊本...

同、今從一本、坊本拚作掩、劉本盡作既、

魏公叔痤病。惠王往問之曰。公叔病即不可諱。將奈

社稷何。即猶若也。後漢桓榮傳注。死者人之常。故言不諱也。公叔痤對曰。痤有

御庶子公孫鞅。願王以國事聽之也。為弗能聽。勿使

出境。王弗應。御庶子。官名。痤之家臣也。為若也。出而謂左右曰。豈不

悲哉。以公叔之賢。而謂寡人必以國事聽鞅。不亦悖

乎。王固不知鞅。以為痤有別所薦。舉而薦其家臣。故其言如是。公叔痤死。公孫鞅

聞之出奔。西之秦。考公受而用之。秦果日以強。魏日

以削。此非公叔之悖也。惠王之悖也。悖者之患。固以

不悖者為悖。聞之。謂聞痤曰勿使出境也。此記者之詞。

考異

一本為弗。之為作若。高本出奔。作己。葬坊本同。今從劉本。

秦韓圍梁。燕趙救之。謂山陽君曰。秦戰而勝三國。秦

必過周韓而有梁。三國而勝秦。三國之力。雖不足以

攻秦。足以拔鄭。計者不如搆三國攻秦。燕烏賢。及後國名。做之。不

復音。○山陽君。魏人。見楚宣王策。蓋是時在韓用事。而客謂之也。三國。梁燕趙也。關君長曰。韓已滅鄭。而

有之。言秦勝三國。必有梁。三國勝秦。其力雖不足以攻秦。秦亦不能救韓。故足以取鄭。愚謂二者皆非韓

之利也。故不知講三國攻秦。

考異

坊本章首秦下無韓字。

龐葱與太子質於邯鄲。謂魏王曰。今一人言市有虎。

王信之乎。王曰否。二人言市有虎。王信之乎。王曰寡

人疑之矣。三人言市有虎。王信之乎。王曰：寡人信之矣。龐葱曰：夫市之無虎明矣。然而三人言而成虎。今邯鄲去大梁也遠於市，而議臣者過於三人矣。願王察之矣。王曰：寡人自為知。質音致，下同。夫音扶。於是辭行而讒言先至。後太子罷質，果不得見。先至謂身猶在途而

考異

坊本察之矣之矣作也。後太子罷質，果不得見。魏君矣。劉本作後果。不見龐君。王曰：寡人自為知。太子罷質，果不得見。

梁王魏嬰觴諸侯於范臺。酒酣，請魯君舉觴。上觴以禮既酣矣。後請舉觴以涉於甘酒。魯君興避席擇言

曰：昔者帝女令儀狄作酒而美，進之禹。禹飲而甘之，遂疏儀狄，絕旨酒。曰：後世必有以酒亡其國者。令力

煎熬燔炙，和調五味而進之。桓公食之而飽，至旦不覺。曰：後世必有以味亡其國者。和戶臥反。覺古孝反。

晉文公得南之威，三日不聽朝，遂推南

之威而遠之。曰：後世必有以色亡其國者。朝直遙反。

而右湖以臨彷徨，其樂忘死。遂盟強臺而弗登。曰：後

世必有以高臺陂池亡其國者。樂音洛，下同。○彷徨

後世必有以高臺陂池亡其國者。樂音洛，下同。○彷徨

停水曰池。今主君之尊儀狄之酒也。主君之味易牙之調

也。左白台而右閭須。南威之美也。前夾林而後蘭臺。

強臺之樂也。有一於此足以亡其國。今主君兼此四

者。可無戒與。調徒弔反與音餘。○梁王稱善相屬。音屬

燭。○相屬屬酒相勸也。林西仲曰頗服善。

考異

坊本梁王作梁主一本無令字南下無之字強作荆崩作崇彷彿作方集

魏惠王起境内眾將太子申而攻齊。客謂公子理之

傅曰何不令公子泣王太后止太子之行。事成則樹

德不成則為王矣。將子匠反下同令力呈反。○關君

子母也。太疑作與或行言太子勝齊則以理止其行。樹德於太子太子戰敗而不還理必為太子立為王。

太子年少不習於兵。田盼宿將也。而孫子善用兵。

戰必不勝。不勝必禽。少詩照反。○孫子孫公子爭之

於王。王聽公子。公子必封。不聽公子。太子必敗。敗公

子必立。立必為王也。爭音諍。○言理必立為太子立為太子則必為王。

魏太子自將。過宋外黃。將子匠反下同過音外黃徐

子曰。臣有百戰百勝之術。太子能聽臣乎。太子曰。願

聞之。客曰。固願效之。客即徐子也。關君長曰。效言也。四字移之術下亦通。今太

子自將攻齊。大勝并莒。則富不過有魏。而貴不益為

王。若戰不勝。則萬世無魏。此臣之百戰百勝之術也。

太子曰。諾。請必從公之言而還。并音併。○高誘曰。益亦過也。不勝則太子

後周隱帝

滅復何魏之有故云萬世無魏也愚謂還則無客曰

太子雖欲還不得矣彼利太子之戰攻而欲滿其意

者衆太子雖欲還恐不得矣高誘曰彼謂魏戰士也

盈滿其志意者衆多也愚謂是言所以不得太子生

車請還其御曰將出而還與北同不如遂行上時掌

佩又如字○高誘曰北遂行與齊人戰而死卒不得

魏卒子律反○高誘曰齊人敗之馬陵虜

齊魏戰於馬陵齊大勝魏殺太子申覆十萬之軍魏

王召惠施而告之曰夫齊寡人之讎也怨之至死不

忘國雖小吾常欲悉起兵而攻之何如對曰不可臣

聞之王者得度而霸者知計今王所以告臣者疏於

度而遠於計夫音扶疏疎通王固先屬怨於趙而後

與齊戰今戰不勝國無守戰之備王又欲悉起而攻

齊此非臣之所謂也屬音燭○屬猶結也魏伐趙齊

趙而後與齊戰所謂即王若欲報齊乎則不如因變

服折節而朝齊楚王必怒矣朝直遙反下同○變服

屈中折人君之節言魏自界而朝王游入而合其鬪則

楚必伐齊以休楚而伐罷齊則必為楚禽矣是王以

楚毀齊也罷音疲○游入而合其鬪謂魏王曰善乃

使人報於齊願臣畜而朝田嬰許諾臣畜謂以張丑

伐國策正解 卷七 後周國痛

曰不可戰不勝魏而得朝禮與魏和而下楚此可以

大勝也得朝禮謂齊魏和平而得諸侯相朝之禮下楚謂下兵於楚言與魏和親而伐楚可以大

也勝今戰勝魏覆十萬之軍而禽太子申臣萬乘之魏

而卑秦楚此其暴戾定矣且楚王之為久也好用兵

而甚務名終為齊患者必楚也乘繩證反好呼報田反

嬰不聽遂內魏王而與之並朝齊侯再三趙氏醜之

楚王怒自將而伐齊趙應之大敗齊於徐州內音納將子匠

反敗必邁反矣疑當作王

考異坊本卑作甲高本暴下有於案

惠施為齊魏交令太子鳴為質於齊令力呈反質音

長曰此說往事也又曰惠王太子申死而鳴赫皆謂太子何也不知公子為嗣者亦謂太子與王欲

見之關君長曰鳴久質於齊而朱倉謂王曰何不稱

病臣請說嬰子曰魏王之年長矣今有疾公不如歸

太子以德之不然公子高在楚楚將內而立之是齊

抱空質而行不義也說始銳反長丁丈反內音納楚納高而立之則是齊抱空質

也王病留太子而不歸則是不義也

考異高本為齊作謂韓

襄王 凡十章

魏惠王死葬有日矣天大雨雪至於牛日壞城郭且

為棧道而葬兩于付反壞音怪於牛日謂雪積甚深也羣臣多諫太子

伐國策正解 卷七 後影圖

者曰。雪甚如此而喪行。民必甚病之。官費又恐不給。

請弛期更日。更音庚、下更日同。○關君長日。弛猶展也。謂展限更期葬日也。太子曰。

為入子。而以民勞與官費用之故。而不行先王之喪。

不義也。子勿復言。復扶又反。○官費用。謂官費財用也。羣臣皆不敢言。

而以告犀首。犀首曰。吾未有以言之也。是其唯惠公

乎。請告惠公。惠公曰。諾。惠公。惠施也。駕而見太子曰。葬有

日矣。太子曰。然。惠公曰。昔王季歷葬於楚山之尾。樂

水齧其墓。見棺之前。和文王曰。嘻。先君必欲一見羣

臣百姓也。夫故使樂水見之。於是出而為之。張朝百

姓皆見之。三日而後更葬。此文王之義也。樂音鸞。除一見之見。

餘皆賢。遍反。和。麻通。夫音扶。為于倫反。下為及同。張知亮反。朝直遙反。○樂。漏流也。和。棺頭也。墓為漏流

所缺。故棺頭見也。出。出棺於墓也。張朝。陳設朝位於墓上。使羣臣百姓見之也。韓子燕王曰。今吾任子之

天下未之聞也。於是。明日張朝而聽子之。今葬有日矣。而雪甚及牛日。難

以行。太子為及日之故。得毋嫌於欲亟葬乎。言不欲不後於葬

之期。且雪而成事。不免於不思親而欲亟葬之嫌也。願太子更日。先王必欲少

留而扶社稷。安黔首也。故使雪甚。因弛期而更為日。

此文王之義也。若此而弗為。意者羞法文王乎。太子

曰。甚善。敬弛期更擇日。黔首。謂民也。黔黑也。言其頭黑也。吳師道曰。禮祭儀亦有

黔首。字非始於秦。惠子非徒行其說也。又令魏太子未葬其

先王。而因又說文王之義。說文王之義。以示天下。豈

小功也哉。

此令力呈反。○此記者之言。

考異

一本惠公作薛公，一本公並作子，高本張下有於字，坊本又令下無魏字，因又作又因。

徐州之役，犀首謂梁王曰：何不陽與齊而陰結於楚。

二國恃王必戰，齊戰勝楚而與乘之，必取方城之外。

楚戰勝齊而與乘之，是太子之讎報矣。

徐州之役，楚敗齊，見惠王

策太子太子申也。

考異

高本恃王下有齊楚二字，勝齊下有敗字。

蘇子為趙合從，說魏王曰：大王之地南有鴻溝，陳汝

許鄆，昆陽，邵陵，舞陽，新鄆，東有淮，潁，沂，黃，煮，棗，海，鹽。

無疎，西有長城之界，北有河外，卷，衍，燕，酸，棗，塋，方千

里，塋名雖小，然而廬田，廡舍，曾無所芻牧牛馬之塋。

人民之衆，車馬之多，日夜行不休已，無以異於三軍

之衆。

為于偽反，下為大同，從子容反，下從親同，說始銳反，卷音權，曾才能反。○鴻溝，汝，淮，潁，沂，皆水

名，陳，許，鄆，昆陽，邵陵，新鄆，黃，煮，棗，海，鹽，無疎，長城，河外，卷，衍，燕，酸，棗，皆地名，廬，田，間，屋，廡，廊，下周屋，已止也。

臣竊料之，大王之國不下於楚，然橫人誅王，外交

強，虎狼之秦以侵天下，卒有國患，不被其禍，夫挾強

秦之勢，以內劫其主，罪無過此者。

卒音猝，被皮寄反，夫音扶，下同。○不

下於楚，言富強不在楚下也，誅誘也，不被其禍，言魏有秦患而橫人不任其禍。

且魏天下之

強國也，大王天下之賢王也，今乃有意西面而事秦。

稱東藩，築帝宮，受冠帶，祠春秋，臣竊為大王愧之。

音藩

蕃○築帝宮為秦築宮備其巡幸也受冠帶受秦冠帶制度也祠春秋春秋貢奉以助秦祭也臣聞

越王句踐以散卒三千禽夫差於干遂武王卒三千

人革車三百乘斬紂於牧之野豈其士卒眾哉誠能

振其威也句古侯反下同散悉但反差初佳反乘繩罷敵不稱證反下同○散若散人散木之散散卒謂用之卒也今竊聞大王之卒武力二十餘萬蒼頭二

十萬奮擊二十萬廝徒十萬車六百乘騎五千匹此

其過越王句踐武王遠矣騎奇寄反○司馬貞曰蒼頭謂以青巾裹頭以異於眾廝徒謂廝養之卒陳子龍曰韓魏逼秦地形相錯非可以險阻自固須堅意力戰乃可自立故季子皆以精兵利器為言所以鼓其氣也今乃劫於羣臣之說而欲臣事秦

夫事秦必割地效質故兵未用而國已虧矣凡羣臣

之言事秦者皆姦臣非忠臣也夫為人臣割其主之

地以求外交偷取一旦之功而不顧其後破公家而

成私門外挾強秦之勢以內劫其主以求割地願大

王之熟察之也質音致○偷苟且也徐乎遠曰蘇子自趙來以趙王為主故以此言劫制魏國用事之臣恐其撓成也周書曰綿綿不絕縵縵奈何毫毛不

拔將成斧柯前慮不定後有大患將奈之何綿綿微史記作蔓蓋通借蔓延也言微細不絕滋蔓難除也毫毛謂樹萌芽也柯斧柄也大王誠能

聽臣六國從親專心并力則必無強秦之患故敵邑

趙王使使臣獻愚計奉明約在大王詔之并音併使臣之使所

吏反○在大王詔之言魏王曰寡人不肖未嘗得聞從約之成否在魏王言魏王曰寡人不肖未嘗得聞

伐國策正解 卷七 後周國痛

明教今主君以趙王之詔詔之敬以國從

主君大夫稱謂蘇秦

考異

坊本汝下有南有二字，棗下無海鹽二字，曾本疎作胥，坊本塋皆作地，無塋名之塋字，曾本同，曾劉本無罪無過此者五字，坊本賢王作賢主，曾劉本無六百乘之乘，五千匹之匹字，劉本質作實，坊本無求字，縵作蔓，奈作若。

張儀欲并相秦魏故謂魏王曰儀請以秦攻三川王

以其間約南陽韓氏亡

并音併，下同，相息亮及下同，聞古覓及○三川南陽皆韓

地，關君長曰約猶急謂迫窘也，言張儀攻三川魏乘其間隙以急代南陽也。

史獻謂趙獻

曰公何不以楚佐儀求相之於魏韓恐亡必南走楚

走則侯反○史獻未詳何人儀兼相秦魏則公亦必趙獻蓋楚臣走謂韓合楚也。

并相楚韓也

鮑彪曰儀因獻得相必德獻楚得韓儀必緩攻韓亦德獻也。

魏王將相張儀犀首弗利故令人謂韓公叔曰張儀

已合秦魏矣其言曰魏攻南陽秦攻三川韓氏必亡

相息亮及下同，令力呈反，其言儀言也止于是。

且魏王所以貴張子者欲

得地也則韓之南陽舉矣

言魏所以相儀者欲得地也，今與秦伐韓則南陽必

舉子盍少委焉以為行功則秦魏之交可廢矣如此

則魏必圖秦而棄儀收韓而相行

言少委地於行，以

而得地必悅以貴行，而秦魏之交可廢矣，如公叔以此則魏必計絕秦而不相儀，合韓而相行。

為信因而委之犀首以為功果相魏

魏以行為相也。

考異

坊本信作然，曾本作便。

楚許魏六城與之伐齊而存燕。齊破燕故伐張儀欲

敗之。謂魏王曰。齊畏三國之合也。必反燕。塞以下楚。

楚必聽之。而不與魏六城。是王失謀於楚。而樹怨於

齊。秦也。敗必邁反。下還嫁反。○三國楚魏燕也。下楚

謂卑下於楚也。失謀謂欲得六城而不得也。樹怨謂將與楚伐

齊。故二國皆怨也。齊遂伐趙。取乘丘。收侵地。虛頓丘。

危。楚破南陽。九夷內沛。許鄆陵危。虛音墟。○侵地趙

立許鄆陵皆魏地。南陽九夷內沛皆近魏地。此言齊楚合則伐魏近地以迫之也。王之所得

者。新觀也。而道涂宋衛為制。事敗為趙驅。事成功縣

宋衛。魏王弗聽也。觀古亂反。為趙之為于偽反。縣音

事敗謂政不行。民不和也。驅逐遣也。言魏雖得新觀而道歷二國。遙為節制。若政不行。民不和。則趙必得

之。是為趙驅民也。政行民和。而二國不通。則不得有之。是有之之功。縣於二國也。此言魏雖得六城。而不

能自。張儀告公仲。令以饑故。賞韓王。以近河外。令力

用也。張儀告公仲。令以饑故。賞韓王。以近河外。令力

○賞疑貸訛。儀以其說不行。教公仲令請魏王。以飢故。貸韓王。以近河外之地。而移民就食也。魏王

懼。問張子。張子曰。秦欲救齊。韓欲攻南陽。言移民於

地者。陽為飢故。而陰為救齊攻南陽也。是儀偽對以懼魏王也。此南陽魏地。秦韓合而欲

攻南陽。無異也。且以遇卜王。王不遇秦。韓之卜也。決

矣。言二國合。而韓欲攻南陽者。無異故也。將以王遇

秦厚薄。卜其向背。王若不善遇秦。則韓明知魏情。魏王遂尚遇秦。信韓。廣魏。救趙。斥楚人。遽於革。下伐

齊之事。遂敗。尚加也。廣寬也。遽。傳遽也。謂楚以傳遽

於韓。寬魏之憂。救趙之難。斥楚。遽人。伐齊之事。遂敗。此記者之詞。

考異 下楚下高本有楚趙二字坊本無今從一本高本楚而間有趙字曾本魏王弗聽也以下

別為一章高本斥作尺坊本單作葉

張儀惡陳軫於魏王曰軫善事楚為求壤地也甚力

為于偽反○按楚策善上有猶字言軫雖在魏猶善事楚為楚求地甚力左華謂陳軫曰

儀善於魏王魏王甚愛之公雖百說之猶不聽也公

不如以儀之言為資而反於楚王 說始銳反○反於楚此衍王字言以儀謂軫善事楚之言為反於楚之資陳軫曰善因使人先言

於楚王 關君長曰軫尚在魏故云先也

考異 坊本章未楚下無王字

張儀欲窮陳軫令魏王召而相之來將悟之 令力呈

亮反○軫時在楚關君長曰悟當作悟逆也將行其子陳應止其公之行

曰物之湛者不可不察也 公謂父也關君長曰湛疑作甚以相召之亦甚者是

可以鄭彊出秦曰應為智 韓策鄭彊載金入秦請伐

行為智也以下皆彊之言夫魏欲絕楚齊必重迎公郢中不善公

者欲公之去也必勸王多公之車 夫音扶○軫在楚魏恐齊楚合故必

重迎之楚不善軫者欲其去故必勸王多車以送之此言今止而不行二國必如是公至宋道

稱疾而毋行使人謂齊王曰魏之所以迎我者欲以

絕齊楚也 既得重迎多車而後行示二國重齊王曰

子東無之魏而見寡人也請封子因以魯侯之車迎

之 東東來齊也鮑彪曰以嘗所迎魯侯者

迎之重之也愚謂此言齊待之必然也

後也國載

考異 坊本悟作倍曾本
作特高本智作知

張儀欲以魏合於秦韓而攻齊楚。惠施欲以魏合於齊楚以索兵。人多為張子於王所。為于偽反。○惠子謂王曰。小事也。謂可者謂不可者。正半。况大事乎。以

魏合於秦韓而攻齊楚。大事也。而王之羣臣皆以為可。不知是其可也。如是其明耶。而羣臣之智術也。如

是其同耶。言凡小事猶可否相半。况大事宜有可否。而羣臣皆以儀為可。是其事之可。如是其明耶。羣臣之智術。如是其同耶。是未可知也。是其可也。未如是其明也。而

羣臣之智術也。又非皆同也。是有其半塞也。所謂劫主者。失其半者也。塞先北反。○塞。雍蔽也。言其可未明。智術又非皆同。則必可否相半。

而皆以為可。是有下半以為不可者。雍蔽而不可也。所謂劫主強從者。失其半以為不可者也。

考異 坊本那而之而作亡有
其作其有劫主作劫王

張儀以秦相魏。齊楚怒而欲攻魏。相息亮反。下同。○齊楚惡儀。而魏相

之故也。雍沮謂張子曰。魏之所以相公者。以公相則國

家安。而百姓無患。今公相而魏受兵。是魏計過也。齊

楚攻魏。公必危矣。張子曰。然則奈何。雍沮曰。請令齊

楚解攻。令力呈反。雍沮謂齊楚之君曰。王亦聞張儀之約

秦王乎。曰。王若相儀於魏。齊楚惡儀。必攻魏。魏戰而

勝。是齊楚之兵折。而儀固得魏矣。若不勝。魏必事秦。

以持其國。必割地以賂王。若欲復攻其敵。不足以應

秦此儀之所以與秦王陰相結也。今儀相魏而攻之。
又及○欲復攻其敵言若齊楚欲乘魏疲敵而復齊

楚之王曰善。乃遽解攻於魏。
又及○欲復攻其敵言若齊楚欲乘魏疲敵而復齊

考異

高本魏必間有魏字坊本遽作遂

哀王

凡二十章

謂張儀。臣謂齊王曰。王不如資韓朋。與之逐張儀於魏。魏因相犀首。因以齊魏廢韓朋。而相公叔。以伐秦。
相息亮及○章首謂臣二字鮑彪所補今姑從之蓋儀時相魏韓朋欲逐之而又與公叔不善故客言如是此設辭也以公仲聞之必不入於齊據公於魏是下乃謂儀之詞

公無患

公仲韓朋字也入疑當作令公指儀也言朋開客謂齊王之言則恐己之廢必不合齊以

逐儀反據儀於魏如是則儀無見逐之患

考異

高本齊王作秦王

陳軫為秦使於齊。過魏求見犀首。犀首謝陳軫。
為于偽反

使所吏反下除王使皆使不使餘皆同過音戈○謝謂辭謝不見也陳軫曰。軫之所以

來者事也。公不見軫。軫且行。不得待異日矣。犀首乃

見之。
事謂欲以行所事告之蓋行謝以異日見之故曰不得待異日矣陳軫曰。公惡

事乎。何為飲食而無事。
惡烏路反下同○言何為徒飲食而無所事乎犀首

曰。行不肖不能得事焉。何敢惡事。陳軫曰。請移天下

之事於公。
關君長曰取彼置此謂之移天下之事諸侯國事也犀首曰。奈何。陳

軫曰。魏王使李從以車百乘使於楚。公可以居其中

而疑之。乘繩證反。下同。○關君長曰。言李從。公謂魏

王曰。臣與燕趙故矣。數令人召臣也。曰。無事必來。今

臣無事請謁而往。無久旬五之期。王必無辭以止公。

公得行。因自言於廷曰。臣急使燕趙。急約車為行具。

犀首曰。諾。數色角反。令力呈反。○故謂舊好也。謁

魏王。王許之。即明言使燕趙。諸侯客聞之。皆使人告

其王曰。李從以車百乘使楚。犀首又以車三十乘使

燕趙。齊王聞之。恐後天下得魏。以事屬犀首。犀首受

齊事。魏王止其行。屬音燭。下同。○鮑彪曰。初以無事

之。燕趙聞之。亦以事屬犀首。楚王聞之。曰。李從約寡

人。今燕齊趙皆以事因犀首。犀首必欲寡人。寡人欲

之。乃倍李從而以事因犀首。倍音佩。○因猶依也。言

魏王曰。所以不使犀首者。以為不可。今四國屬以事

寡人。亦以事因焉。犀首遂主天下之事。復相魏。復扶

相息亮反。○鮑彪曰。復。言得四

國。又相魏也。非己相罷而又復。

考異 高本飲食而無事下有無事必來四字坊本

廷作庭。王王間有魏字。無又字。高本三十作

齊王將見燕趙楚之相於衛約外。魏王懼恐其謀

伐魏也。告公孫衍。公孫衍曰。王與臣百金。臣請敗之。

後周國志

王為約車載百金犀首期齊王至之日先以五十乘

至衛間齊行人以百金以請先見齊王乃得見因久

坐安從容談相息亮反下同敗必邁反為于偽反乘

也行人官名以百金間遺行三國之相怨謂齊王曰

王與三國約外魏魏使公孫衍來今久與之談是王

謀三國也齊王曰魏王聞寡人來使公孫子勞寡人

寡人無與之語也三國之相不信齊王之遇遇事遂

敗勞力報反○言遇於衛

考異孫本載

魏令公孫衍請和於秦秦母恢教之語曰無多割力

不成則後必莫能以魏合於秦者矣關君長曰更加

由也言無多割而和成則秦重和也必與王遇以無

多割而和不成則秦重地也人惡其貪冒必莫令魏

割地以合

考異坊本無曰和之曰字

公孫衍為魏將與其相田需不善季子為衍謂梁王

曰王獨不見夫服牛驂驥乎不可以行百步將子匠

相息亮反下同為衍之為于偽反夫音扶○車衡中

兩馬曰服其外兩馬曰驂關君長曰牛驂性異遲疾

不同固不相得者而責同車今王以衍為可使將故

用之也而聽相之計是服牛驂驥也牛馬俱死而不

能成其功。王之國必傷矣。願王察之。

考異

坊本獨上無王字一本
驥也間有之道二字

犀首田盼欲得齊魏之兵以伐趙。梁君與田侯不欲。犀首曰：請國出五萬人，不過五月而趙破。田盼曰：夫輕用其兵者，其國易危。易用其計者，其身易窮。公今言破趙太易，恐有後咎。犀首曰：公之不慧也。夫二君者，固已不欲矣。今公又言難以懼之，是趙不伐而二士之謀困也。且公直言易而事已去矣。夫音扶下同田侯梁君見其危，又安敢釋卒不我予乎。難乃且反

釋舍也。卒二士所帥之卒也。言二君見其危，必與援兵。田盼曰：善。遂勸兩君聽

犀首。犀首田盼遂得齊魏之兵，兵未出境。梁君田侯恐其至而戰，敗也。悉起兵從之。大敗趙氏。從才用反

考異

高本又言下有有字
一本二士作二君

犀首見梁君曰：臣盡力竭智，欲以為王廣土取尊名。田需從中敗臣。王又聽之，是臣終無成功也。需亡臣將侍。需侍臣請亡。盡津忍反，為于偽反，下皆同。敗必王曰：需寡人之股掌之臣也。為子之不復也。殺之。亡之外之毋謂天下何。內之無若羣臣

在二君側敗中衍之事也。將亦請也。王曰：需寡人之股掌之臣也。為子之不復也。殺之。亡之外之毋謂天下何。內之無若羣臣

何也。股掌猶股肱也。關君長曰。毋恐行文。愚按。史記此母或亦然。言外之天下。內之羣臣。皆不可以解說也。今吾為子外之。令母敢

入子之事。入子之事者。吾為子殺之亡之。胡如犀首

許諾。令力呈及。○外之二字疑行。入猶與也。胡如猶何如也。於是東見田嬰與

之約結。召文子而相之。魏身相於韓。相息亮反。○吳師道曰。犀首約

結於嬰。召其子而相之也。

考異。坊本敗臣作敗君。一本作敗之。高本坊本毋謂上無外之二字。今從一本。

蘇代為田需說魏王曰。臣請問文之為魏。孰與其為

齊也。王曰。不知其為齊也。行之為魏。孰與其為韓也。

王曰。不知其為韓也。蘇代曰。行將右韓而左魏。文將

右齊而左魏。二人者將用王之國。舉事於世中道而

不可。王且無所聞之矣。為于偽反。說始銳反。○右左猶先後也。中道半途也。言文

行先齊韓而後魏。以是。用魏舉事半途而不可。若王左右無人。則無所聞知矣。王之國雖

滲樂而從之可也。此十一字疑他章錯簡。關君長曰。滲作湛。移置章末。事下文意方順。

愚謂若然。則之國二字衍文。王不如舍需於側。以稽二人者之所

為。二人者曰。需非吾人也。吾舉事而不利於魏。需必

挫我於王。二人者必不敢有外心矣。舍置也。外心猶二心也。二

人者之所為之。利於魏與不利於魏。王厝需於側。以

稽之。碻哲夫曰。二十三字。蓋上文舍需於側。以稽二人者之所為。十二字之注也。誤入本文。臣

以為身利而便於事。身王也。王曰。善。果厝需於側。厝亦置也。

我國長巨屏

考異

劉連前章曾別為一章坊本同今從之高本也蘇間有而字坊本王且作且王劉本無為之之字無身利二字一本無而便之而字坊本而便間有國字

史舉非犀首於王史舉即甘茂所事者犀首欲窮之謂張儀曰

請令王讓先生以國王為堯舜矣而先生弗受亦許

由也衍請因令王致萬戶邑於先生令力呈反下同先生指史舉

也言因史舉不受國而令王致邑也張儀說因令史舉數見犀首說音悅數

色角反○錢福曰史舉蓋張儀羽翼故數使見衍以求萬戶之邑王聞之而弗任也

史舉不辭而去史舉始非衍而今數見之故王疑而不任也

考異

坊本無衍請之請字

楚王攻梁南韓氏因圍蕃蕃魏地韓乘間圍之成恢為犀首謂

韓王曰疾攻蕃楚師必進矣魏不能支交臂而聽楚

韓氏必危故王不如釋蕃為于偽反○交臂謂交手拜之釋解圍也楚魏合則

韓危矣故不如解蕃圍魏無韓患必與楚戰戰而不勝大梁不

能守而又况存蕃乎若戰而勝兵罷敝大王之攻蕃

易矣罷音疲易以鼓反

考異

坊本蕃作黃若戰下無而字

張儀為秦連橫說魏王曰魏堦方不過千里卒不過

三十萬又堦四平諸侯四通條達輻湊無有名山大

川之阻從鄭至梁不過百里從陳至梁二百餘里馬

馳人趨不待倦而至為于偽反下為大同說始銳反下說一以說同○關君長曰條

條直大道也。達通也。言諸侯四集，自大道達梁，如輻湊於轂。愚謂韓并鄭，楚并陳，鄭陳即韓楚也。言自韓楚至梁，皆地平而近，人馬不及疲倦而至梁也。梁南與楚境，西與韓境，北與

趙境，東與齊境，卒戍四方，守亭障者參列，粟糧糟庚

不下十萬，魏之壘勢，故戰場也。故固通。○鮑彪曰：十里一亭，障隔也。築城

壘為之，關君長曰：庚疑作康，據通，愚謂以上言魏地小，兵少而易攻，難守也。魏南與楚而

不與齊，則齊攻其東，東與齊而不與趙，則趙攻其北。

不合於韓，則韓攻其西，不親於楚，則楚攻其南。此所

謂四分五裂之道也。此言難自立也。且夫諸侯之為從者，以

安社稷，尊主強兵，顯名也。合從者一天下，約為兄弟。

刑白馬以盟於洹水之上，以相堅也。夫親昆弟同父

母，尚有爭錢財而欲恃詐偽，反覆蘇秦之餘謀，其不

可以成亦明矣。夫音扶，下同。從子容及，下同。○合史記作今，此恐誤。此言從不可恃也。

大王不事秦，秦下兵攻河外，拔卷，行燕酸棗，劫衛，取

晉陽，則趙不南，趙不南則魏不北，魏不北則從道絕。

從道絕則大王之國欲求無危不可得也。卷音權。○趙為從主。

故專言趙。秦挾韓而攻魏，韓劫於秦，不敢不聽，秦韓為一

國，魏之亡可立而須也。此臣之所為大王患也。兼有而恃。

乏謂挾，史記無國字，此恐衍，以上言不事秦之害也。為大王計，莫如事秦，事秦

則楚韓必不敢動，無楚韓之患，則大王高枕而卧，國

必無憂矣。枕之鳩反。○此言事秦之利也。且夫秦之所欲弱莫如楚

伐國策三十四年

而能弱楚者莫若魏。楚雖有富大之名，其實空虛。其

卒雖衆多，然而輕走易北，不敢堅戰。悉魏之兵，南面

而伐，勝楚必矣。夫虧楚而益魏，攻楚而適秦，內嫁禍

安國，此善事也。輕遠政反，易以政反，北音佩，又如字。適如莊子適人之適之適，秦之所

欲弱莫如楚，今攻之而適其所欲也。史記無內字，此恐衍。移魏禍於楚，故曰嫁禍。此亦言事秦之利也。

大王不聽，臣秦甲出而東伐，雖欲事秦而不可得也。

此言不可不速事秦也。且夫從人多奮辭而寡可信，說一諸侯

之王，出而乘其車，約一國而成，反而取封侯之基，是

故天下之游士莫不日夜搯腕，瞋目切齒，以言從之

便，以說人主。人主覽其辭，率其說，惡得無眩哉。惡音烏。

奮辭猶大言也，搯把也，瞋張目也，切齒齒相摩切也，皆奮激之狀，覽攬通，言為其辭所中攬取。臣聞

積羽沈舟，羣輕折軸，衆口鑠金，故願大王之熟計之

也。沈直禁反，空不為從人所眩也。以上言王魏王曰：寡人蠢愚，前計失

之，請稱東藩，築帝宮，受冠帶，祠春秋，效河外。蠢書容反，藩音

蕃，○蠢亦愚也，餘見上。

考異坊本不過千里，作不至千里，阻作險，粟糧糟庚作乘，糧漕庚纂一本作粟糧漕，庚劉本不

親作不合，坊本爭作事，曾本燕作點，坊本道絕下無從道絕三字，高本多然作多言，無悉字及東伐

之伐字

齊魏約而伐楚，魏以董慶為質於齊。楚攻齊，大敗之。

而魏弗救，田嬰怒，將殺董慶。盱夷為董慶謂田嬰曰：

伐國長三百年 卷七上 後影圖載

楚攻齊大敗之。而不敢深入者，以魏為將內之於齊。

而擊其後。質音致，敗必邁，及為董之為干偽。今殺董

慶，是示楚無魏也。魏怒，合於楚。齊必危矣。不如貴董

慶，以善魏而疑之於楚也。言令楚疑魏有計也。

考異 坊本伐楚下無魏字，軒作軒，劉本作干，坊本無為董慶三字，一本貴作舍。

張儀走之魏，魏將迎之。蓋自秦魏也。張丑諫於王，欲勿內

不得於王。張丑退，復諫於王曰：王亦聞老妾事其主

婦者乎？子長色衰，重家而已。內音納，下同，復扶又及長丁丈及。○關君長曰：

以子長將立而已，老不可事久，故惟其家為重而已。今臣之事王，若老妾之事

其主婦者，言丑之事王，惟國為重，若老妾家為重，故拒王迎儀也。魏王因不內

張儀

考異 坊本家作據。

文子田需周霄相善，欲罪犀首。關君長曰：依召文子，似時在齊，惟需霄在

梁蓋二人欲加罪於行以逐之，而相中田文也。犀首患之，謂魏王曰：今所患

者齊也。嬰子言行於齊王，王欲得齊，則胡不召文子

而相之？彼必務以齊事王。相息亮及下同，○關君長曰：彼指嬰也，言其言行於

齊王而魏相其子，則必以齊事王。王曰：善。因召文子而相之。犀首以

倍田需周霄。倍音佩，○行令文子背二人也，鮑彪曰：二人雖善文，今行薦文，文善行，善行則

復背其所善。

考異 高本坊本章首有魏字，今從一本。

魏王令惠施之楚。令犀首之齊。乘數鈞。令力呈反。下同。乘繩證反。

○言二子乘車數鈞。鈞二子者。乘數鈞將測交也。楚王聞之。

五字因上。下文誤行。施因令人先之。楚言曰。魏王令犀首之齊。

惠施之楚。鈞二子者。將測交也。言下因待使之輕重。而測交之厚薄也。施欲

令楚重。巨。故然。楚王聞之。因郊迎惠施。

考異 坊本無乘數鈞三字。鈞二子止。聞之十五字。作鈞二子者。將測交也。八字。

田需貴於魏王。惠子曰。子必善左右。今夫揚橫樹之。

則生。倒樹之則生。折而樹之又生。然使十人樹揚一。

人拔之。則無生揚矣。故以十人之衆。樹易生之物。然。

而不勝一人者。何也。樹之難而去之易也。今子雖自。

樹於王。而欲去子者。衆則子必危矣。夫音扶。樹臣庚反。易以鼓反。去

起呂反。○穆文熙曰。惠子之言若鄙。而實至理。所謂善左右者。亦自有策。非必阿意徇之也。可下與連者。論

考異 劉本倒作側。曾本無衆則之則字。

田需死。昭魚謂蘇代曰。田需死。吾恐張儀薛公犀首。

之有一人相魏者。相息亮反。下皆同。昭魚楚相也。代曰。然則相者。

以誰。而君便之也。昭魚曰。吾欲太子之自相也。代曰。

請為君北見梁王。必相之矣。昭魚曰。奈何。代曰。君其。

為梁王代請說君。為君之為于偽反。說始銳反。○假

乃說也。昭魚曰。奈何。對曰。代也。從楚來。昭魚甚憂。代曰。

代國策三十四年 卷七 後周國雅

君何憂曰田需死吾恐張儀薛公犀首有一人相魏

者代曰勿憂也梁王長主也必不相張儀張儀相魏

必右秦而左魏薛公相魏必右齊而左魏犀首相魏

必右韓而左魏梁王長主也必不使相也長主謂才

主也右左主曰然則寡人孰相此八字鮑彪以史代

曰莫如太子之自相是三人皆以太子為非固相也

皆將務以其國事魏而欲丞相之璽固久也言三人

而欲代太子為相也吳師道曰秦武王初置丞相用

擣里于甘茂在張儀死後此云丞相璽則魏已有此

名以魏之強而持三萬乘之國輔之魏必安矣故曰

不如太子之自相也乘繩證反遂北見梁王以此

語告之太子果自相

考異

一本無者以二字高本坊本君其作若其

周最善齊翟強善楚二子者欲傷張儀於魏蓋儀相

張子聞之因使其人為見者蓋儀相因無敢傷

張子見賢遍及問古竟反○吳師道曰見者謂引見

傳命之臣番夫小臣之名愚謂見者蓋最強所

考異

高本間

周最入齊秦王怒令姚賈讓魏王令力呈反○按東

魏王貴合於秦以伐齊是魏欲與秦伐齊而今周最

自魏入齊秦王以為魏令最結好於齊故怒讓之也

魏王為之謂秦王曰魏之所以為王通天下者以周

最也。今最道寡人入齊。齊無通於天下矣。故邑之事

王亦無齊累矣。大國欲急兵則趣趙而已。為之為于偽及趣

音促○為王疑為主訛言魏之所下以為從主通中交於諸侯者以主從約也今最道魏入齊則齊魏交絕

諸侯知齊魏交絕則必不從矣齊無通交於諸侯矣魏之事秦亦無齊累矣若秦欲急伐齊則趣趙而已

魏固不侯命矣按東周策曰秦知趙之難與齊戰也故曰趣趙

秦召魏相信安君信安君不欲往。相息亮反下同○按下文秦欲召信

安而別置相故不欲往蘇代為說秦王曰臣聞之忠不必當當

不必忠今臣願為大王陳臣之愚意恐其不忠於下

吏自使有要領之罪願大王察之。為于偽及下為其自為同說始銳反

要腰同○當謂當於心也下吏不斥言王也謂不為王所忠也要領之罪謂斬刑也今大王令

人執事於魏以完其交臣恐魏交之益疑也將以塞

趙也臣又恐趙之益勁也。令力呈反下同塞先北反也塞趙謂令魏不通趙也

益勁謂趙交魏益堅也夫魏王之愛習魏信也甚

矣其智能而任用之也厚矣其畏惡嚴尊秦也明矣

今王之使人入魏而不用則王之使人入魏無益也

若用魏必舍所愛習而用所畏惡此魏王之所不安

也夫舍萬乘之事而退此魏信之所難行也夫令人

之君處所不安令人之相行所不能以此為親則難

久矣臣故恐魏交之益疑也。夫音扶惡烏路反舍音捨下同乘繩證反難行

之難乃且反下構難同處昌呂反下同○鮑彪曰魏信即信安省言之愚謂智能謂魏王以信安為智能

後周國策 卷七 三十一

也使人即令執事之人也舍萬乘之事而退謂去相位也且魏信舍事則趙之謀

者必曰舍於秦秦必令其所愛信者用趙是趙存而

我亡也趙安而我危也則上有野戰之氣下有堅守

之心臣故恐趙之益勁也舍事即舍萬乘之事而退也謀者謂用事者舍於之

舍疑當作舍我謀者自我也上下猶進退也以上言召信安之不可大王欲完魏之交

而使趙小心乎不如用魏信而尊之以名魏信事王

國安而名尊離王國危而權輕然則魏信之事王也

上所以為其主者忠矣下所以自為者厚矣彼其事

王必完矣離力智反○尊之以名謂秦以信安為己之用而相魏也趙之用事者

必曰魏氏之名族不高於我土地之實不厚於我魏

信以魏事秦秦甚善之國得安焉身得尊焉今我構

難於秦兵為招質國處削危之形非得計也結怨於

外主患於中身處死亡之地非完事也彼將傷其前

事而悔其過行冀其利必多割地以深下王則是大

王垂拱多割地以為利重堯舜之所求而不能得也

行下孟及下遐嫁反○招質皆的也房玄齡管子注云招者的也所以招射者也桓子策曰為智氏質乎

是也言秦兵獨伐趙猶矢集也以上言用信安之有益臣願大王察之言廢信安與用

之利害王當察之

考異坊本當並作黨高本下不必作必不願下無為守一本信也之也作亦曾本今王作令王

高本之所下有以守坊本則趙作則魏趙安作趙亡高本事王作事主以魏間有韓字坊本主患作

生患其過作過其高本拱多作拱之

樓許約秦魏魏太子為質

姚宏曰管子七臣七主篇云事無常而法令申不許

則失國勢注許古伍字謂偶合也言雖申布法令於事不合也字書無之愚按朱大復管子評云許與寤

同質音致○約二國之紛彊欲敗之謂太后曰國與

還者也敗秦而利魏魏必負之負秦之日太子為糞

矣敗必邁反○還反也負背也為糞猶言化為糞壤

諱言其死也言魏背秦則秦必殺魏太子所謂還也太后坐而王泣王因疑於太子令之留於酸棗樓

子患之令力呈反○關君長曰王泣猶為主泣昭行

為周之梁樓子告之昭行見梁王梁王曰何聞曰聞

秦且伐魏王曰為期與我約矣為周之為于偽反○為期與我約猶言為

與我約和之期也王以為秦必不伐曰秦疑於王之約以太子之留酸

棗而不之秦秦王之計曰魏不與我約必攻我我與

其處而待之見攻不如先伐之處昌呂反○以秦強

折節而下與國臣恐其害於東周下遐嫁反○言秦與國共伐魏高

誘曰昭行不欲正言害魏也故詭言恐害東周也秦來伐必徑東周故也

考異坊本部作梧而王作王而

秦楚攻魏圍皮氏皮氏魏邑為魏謂楚王曰秦楚勝魏魏

王之恐也見亡矣必合於秦為于偽反下同恐丘勇

曰後章曰魏王之懼也見亡文意正王何不背秦而

與魏王魏王喜必內太子秦恐失楚必効城地於王

戰國策上角 卷七 後周國策

王雖復與之攻魏可也。背音佩下同，內音納，下同。復扶又反，下同。○內太子，以太

子為質也。楚王曰善。乃背秦而與魏。魏內太子於楚。秦恐

許楚城地。欲與之復攻魏。欲上疑脫楚字。擣里疾怒。欲與魏

攻楚。恐魏之以太子在楚不肯也。怒楚為疾謂楚反覆也。

王曰。外臣疾使臣謁之。曰。敝邑之王欲効城地而為

魏太子之尚在楚也。是以未敢。王出魏質。臣請効之。

而復固秦楚之交。以疾攻魏。質音致。○疾攻急攻也。楚王曰諾。

乃出魏太子。秦因合魏以攻楚。

考異

坊本楚攻下無魏字之恐下無也字矣作也高本合作舍

魏太子在楚。謂樓子於鄢陵曰。公必且待齊楚之合

也。以救皮氏。今齊楚之理必不合矣。鄢陵魏地皮氏見上言二國於

理不合下文所言即是也。彼翟子之所惡於國者。無公矣。其人皆

欲合齊秦外楚以輕公。公必謂齊王曰。魏之受兵非

秦實首伐之也。楚惡魏之事王也。故勸秦攻魏。惡鳥路反

下同。○無公猶言無如公也。趙策大亂君臣之義者無此矣。其人謂翟子之徒也。公必之公行字。是翟子

之徒告齊王之辭。齊王故欲伐楚。而又怒其不已善也。必令

魏以地聽秦而為和。故固通令力呈反。○不已善即謂楚惡魏之事王也。是齊楚所

以不谷也。以張子之強。有秦韓之重。齊王惡之。而魏王不

敢據也。今以齊秦之重。外楚以輕公。臣為公患之。為干

偽反。下為公同。○關君長曰。往日齊惟一國。而今魏不取據張儀也。今以二國之重。疎外其所因之楚。

以輕庫則王不敢據也鈞之出地以為和於秦也豈若由楚乎言出地以和秦由齊由楚亦皆同無若由楚而和秦疾攻楚楚還兵魏王必

懼公因寄汾北以予秦而為和合親以孤齊秦楚重公必為相矣還音旋子音與相息亮反疾急還轉也言楚轉兵與秦合攻魏魏王必

王與樗里疾之欲之也臣請為公說之說始銳反意意度也乃謂樗里子曰攻皮氏此王之首事也而不能拔天

下且以此輕秦且有皮氏於以攻韓魏利也首事謂雖秦楚同攻皮氏而樗里子曰吾已合魏矣無所用之言無秦為中之首兵

皮氏對曰臣願以鄙心意公公無以為罪有皮氏國之大利也而以與魏公終自以為不能守也故以與魏

今公之力有餘守之何故而弗有也與魏謂未拔而解兵樗里子曰奈何曰魏王之所恃者齊楚也所用者樓庫翟

強也今齊王謂魏王曰欲講攻於齊主兵之辭也是弗救矣楚王怒於魏之不用樓子而使翟強為和也

怨顏已絕之矣魏王之懼也見亡欲講攻於齊言欲和秦與攻之皆由齊之所令齊王之言如是是主兵之辭也惟主兵而

秦楚外齊以輕翟強公不如按魏之和使人謂樓子魏有亡形故王懼也翟強欲合齊秦外楚以輕樓庫樓庫欲合

曰子能以汾北與我乎請合於楚外齊以重公也此

吾事也。樓子與楚王必疾矣。按控也。謂不急和也。此吾事也。猶言此吾任也。

疾言應之速也。又謂翟子。子能以汾北與我乎。必為公於齊。

外楚以重公也。翟強與齊王必疾矣。是公外得齊楚

以為用。內得樓庫翟強以為佐。何故不能有地於河

東乎。言必得皮氏也。

考異坊本謂樓作為樓。無楚還之楚字。寄作割國。之下有所字。曾本今公作今。攻庫高本作庫。

坊本作廩。並字書無。韓策作鼻。字彙引策作廩。鼻同。今從之。高本主兵作王兵。坊本救矣作救也。曾本按作親。高本必為作。

必不齊。外下有於字。

獻書秦王曰。臣竊聞大王之謀出事於梁。謀恐不出

於計矣。願大王之熟計之也。事如有事於顯。更之事。謂攻伐也。不出於計。謂

不出於王計慮。故云熟計之。以攻梁為不可也。梁者山東之要也。有蛇於此

擊其尾。其首救。擊其首。其尾救。擊其中身。首尾俱救。

今梁者天下之中身也。夫秦攻梁者。是示天下要。斷

山東之脊也。是山東首尾皆救中身之時也。山東見

亡必恐。恐必大合。山東尚強。臣見秦之必大憂。可立

而待也。要腰同。夫音扶。斷音短。恐立勇反。○蛇。孫子所謂率然也。示疑當作刺。下下疑脫之字。秦

策曰。斷齊秦之要。絕楚魏之脊。文意正同。天下山東互言之也。要人身上下之中。脊左右之中。亦互言之也。見亡必恐。言諸侯見魏有亡形。則必恐及也。必大憂。疑當作大憂必。臣竊為大王計。

不如南出事於南方。其兵弱。天下必能救。地可廣。國

可富。兵可強。主可尊。為于偽反。○南方。謂楚也。王不

吳師道曰。必恐當作不。王不

聞湯之伐桀乎。試之弱密須氏。以為武教得密須氏。

而湯之服桀矣。試用謂用兵也。吳師道曰：密姑，姓國。史周紀：西伯伐密須，詩所謂密人。不

恭者也。此誤以為湯。關君長曰：之。字婉句，言得弱而後能服強也。今秦國與山東為

讎。不先以弱為武教，兵必大挫，國必大憂。以弱言，以伐弱楚也。

秦果南攻藍田鄆郢。鮑彪曰：藍田，秦地，疑衍文。

考異高本曰：臣作曰：昔，今梁者作：今梁王。坊本中身作：春一字。高本無夫字。坊本弱天下下有

不字。高本坊本廣下有：大字。今從：曾本。坊本湯之作：湯。知秦國作：秦欲。

魏秦伐楚。魏王不欲。樓緩謂魏王曰：王不與秦攻楚。

楚且與秦攻王。王不如令秦楚戰，王交制之也。令力呈及

考異高本連：穰侯攻大梁。章劉本魏秦作：秦魏一本與作：如今二字。坊本無也字。

特 2
587
9

